

# UGOVOR O JAVNOJ NABAVCI

o isporuci školskog namještaja (učeničkih stolica i stolova)  
za potrebe škole

zaključen dana 20.12.2017.godine putem direktnog sporazuma između:

## JU OSNOVNA ŠKOLA „ČAMIL SIJARIĆ“

Sjedište: Braće Mulić br.16 71 000 Sarajevo

Koje zastupa: direktorica Jasmina Husić,

Identifikacijski broj: 4200167280009,

(u daljnjem tekstu: Kupac)

i

## TVORNICA NAMJEŠTAJA

D.O.O INGRAT GRAČANICA

Sjedište:Naselje Hajdarovac b.b 75320 Gračanica

kojeg zastupa direktor Emir Nišić

Identifikacijski broj: 4209355020003

PDV broj: 209355020003

(u daljem tekstu: Prodavac)

## I PREDMET UGOVORA

### Član 1.

Predmet ovog ugovora je isporuka školskog namještaja (učeničkih stolica i stolova) za potrebe JU OŠ „Čamil Sijarić“ Sarajevo.

## II CIJENA

### Član 2.

Cijena koju će Kupac isplatiti Prodavcu za opremu iz člana 1. Ugovora iznosi:

- Cijena bez PDV-a: 4.430, 00 KM;
- Porez na dodanu vrijednost (PDV 17%) = 753,10 KM;
- UKUPNA VRIJEDNOST / CIJENA sa PDV-om = 5.183,10 KM  
(slovima: pethiljadastoosamdesettri i 10/100 KM).

## III USLOVI I NAČIN PLAĆANJA

### Član 3.

Kupac će plaćanje izvršiti putem Trezora, na osnovu Predračuna dostavljenog od strane Prodavca.

Ugovorena cijena je fiksna. Kupac se obavezuje platiti ugovorenu cijenu robe prema izdatom Predračunu.

## IV OBAVEZE PRODAVCA

### Član 4.

Prodavac se obavezuje da će isporuku robe izvršiti po izvršenoj uplati Predračuna broj: 419-A/17 od 20.12.2017. godine.

Prodavac se obavezuje da će predmetna isporuka opreme biti u skladu sa važećim propisima o kvaliteti proizvoda.

Prodavac se obavezuje da će nakon isporučene robe Kupcu ispostaviti fakturu.

## **V OBAVEZE KUPCA**

### **Član 5.**

Kupac obavlja kvalitativni i kvantitativni prijem robe na mjestu isporuke, a kvalitet robe mora odgovarati važećim standardima i propisima na teritoriji BiH.

Sve eventualne reklamacije Kupac je obavezan dostaviti Prodavcu pisanim putem odmah, odnosno najkasnije u roku od 5 (pet) dana, od dana prijema robe.

## **VI ROK ISPORUKE**

### **Član 6.**

Rok isporuke ukupno ugovorene i specificirane količine opreme, kao i pripadajućih usluga iz člana 1. ovog ugovora je 30 dana računajući od datuma obostranog potpisivanja ovog ugovora. Pod isporukom se podrazumijevaju sve potrebne radnje koje je Prodavac dužan obaviti, prema ugovoru i prirodi posla, da bi Kupac mogao primiti isporuku.

Mjesto izvršenja obaveza Prodavca je JU OŠ „Ćamil Sijarić“ Sarajevo.

Kupac se obavezuje isplatiti cijenu i preuzeti isporuku ugovorene opreme onako kako je predviđeno ovim ugovorom.

Oprema koja je predmet ovog ugovora i koju će Prodavac isporučiti Kupcu prema ovom Ugovoru bit će upakovana u originalnoj i neotvorenoj ambalaži od originalnog proizvođača uz označavanje pakovanja na propisan način.

## **VII ODGOVORNOST ZA MATERIJALNE NEDOSTATKE**

### **Član 7.**

Prodavac odgovara za materijalne nedostatke stvari koje je ona imala u času prelaza rizika na Kupca, bez obzira na to da li mu je to bilo poznato. Prodavac odgovara i za one materijalne nedostatke koji se pojave nakon prelaza rizika na Kupca ako su posljedica uzroka koji je postojao prije toga.

Nedostatak postoji ako ugovorena / isporučena stvar nema svojstva i odlike koje su izričito određene ovim ugovorom.

## **VIII STUPANJE UGOVORA NA SNAGU**

### **Član 8.**

Ovaj ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi s ovim ugovorom računaju se od dana stupanja ugovora na snagu, ukoliko posebnom odredbom nije ugovoren neki drugi datum kao početak toka roka.

## **IX PRIMJENA ZAKONA O OBLIGACIONIM ODNOSIMA**

### **Član 9.**

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog ugovora, a koji nastanu u vezi i povodom izvršenja ovog ugovora.

## X RJEŠAVANJE SPOROVA

### Član 10.

Sve eventualne sporove i nesporazume koji bi mogli nastati iz ovog ugovora ili povodom ovog ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana, ugovara se nadležnost Općinskog suda u Sarajevu, Bosna i Hercegovina, uz primjenu pozitivnog prava Bosne i Hercegovine.

## XI OSTALE ODREDBE


### Član 11.

Izmjene i dopune ovog ugovora mogu se vršiti samo pismenim putem. Bit će punovažne i obavezivati će ugovorne strane samo one izmjene i dopune koje su sačinili sporazumno u pismenoj formi.

### Član 12.

Ovaj Ugovor je sačinjen u 4 (četiri) istovjetna primjeraka od kojih svaka ugovorna strana zadržava po 2 (dva) primjerka.

TVORNICA NAMJEŠTAJA  
D.O.O INGRAT  
GRAČANICA

  
Direktor Emir Nišić

Broj: 83/2017



Kupac  
TUOS „CAMIL SIJARIĆ“  
SARAJEVO

  
Direktorica Jasmina Husić, prof.

Broj: 01-701-3/17  
Datum: 20.12.2017. godine